



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 56. Concilium Toletanum XVI.

[urn:nbn:de:hbz:466:1-66082](#)

mante populo, necandum esse. At Leon-Sæculum VII
tius, ei vitam servaturus, amicitiæ me- A. C. 694.
mor, quæ sibi cum Constantino ipsius
Parente intercesserat, naso truncatum
Chersonam relegavit, postquam regnas-
set annis decem. Hæc anno 694. gesta,
statimque Leontius Imperator procla-
matus.

A. C. 694.

§. XVI.

Concilium Toletanum XVI.

In Hispania interim duo Concilia deci-^{to. 6.} *Conc.*
mum sextum & decimum septimum To-^{p. 1327.}
leti celebrata. Primum sexto anno Egi-
cæ Regis, Æra 731. id est, anno 693. se-
cundo die Maji habitum est. Episcopi
quinquaginta novem, Abbates quinque,
& absentium Episcoporum Legati tres,
adfuere. Rex quoque cum sexdecim
Comitibus interfuit. In eo decem Ca-
nones ad Disciplinam spectantes condi-
ti, & in primo decernitur, ut Judæi, si se
sincera mente converterint ad Fidem Ca-
tholicam, ab omni exactione, quam Fis-
co persolvere consuevissent, exempti
sint. Præterea Leges superiorum tem-
porum confirmantur contra illos, quo-
rum duritia proteri non posset. Omnia
veteris Idololatriæ vestigia damnantur.
Nemo lapides, fontes, aut arbo-
res

Sæculum VII res veneretur. Nemo Augures au-
A. C. 694. scultet, aut Præstigiatoribus aures det-
Ut hæc scandala tollantur, Episcopi,
Presbyteri, aut Judices curare juben-
tur.

c. 3. Qui contra naturam peccant, in per-
petuum a Christianis separentur, cente-
nis verberibus cædantur, turpiter de-
calventur, & exilio mancipentur perpe-
tuo. Hi sicut & Idololatræ non nisi in
mortis articulo, & peracta digna pœni-
tentia Communionem accipient. Qui
p. 1329. se ipsum suadente desperatione enecare
voluerit, ad duos menses Communionis
privetur.

c. 4. Aliquæ in Hispania Ecclesiæ erant de-
relictæ, quod propter inopiam Sacerdos-
ali non posset. Raro in iis Sacrificium
offerebatur, & ruinam minabantur. Hinc
cavillantes Judæi dicebant, nihil profui-
se Christianis, quod Synagogas destruxi-
sent, cum jam eorum Ecclesiæ sordarent.
Huic malo remedium afferre Episcopi
jubentur, & tertiam partem redditum
Ecclesiarum ruralium, quam juxta Cano-
nes percipere poterant, ad reparandas
collabentes Ecclesias impendere. Quod
c. 5. si dictam tertiam non percipient, Pres-
biteri, qui his Parochiis serviunt, sarta-
menta tecta præstent. Superius vidimus, S.
Ans.

Canones

Concilii To- byteri, qui his Parochiis serviunt, sarta-
menta tecta præstent.

Superius vidimus, S.

Ansbertum Archiepiscopum Rothoma- Sæculum VII
gensem, quæ in hoc Concilio statuuntur, A. C. 694.
accurate observasse. Porro præcipitur: *Sup. n. 35.*
Plures Ecclesiæ unius Sacerdotis curæ
non committantur, sed illæ, quibus pau-
ciores quam decem Coloni sunt, aliis con-
jungantur.

In quibusdam Hispaniarum partibus
quidam Sacerdotum de pane ad usum
suum præparato crustulam rotundam Sa-
crificio adhibere, & super Altare offer-
re solebant. Præcipit Concilium, ut ad
hunc Sacrum usum non nisi panem inte-
grum, candidum, ad id unice præpara-
tum, & in parva quantitate adhibeant,
ne stomachum oneret, quod solius animæ
alimentum esse oportet, & facile in mo-
dico loculo asservari possit. (*) Ex his *v. Mahili.*
dispicimus jam illa ætate hostias ad eum *de Azymo*
ferme modum, quo hodie solemus, præ- *c. 8.*
paratas fuisse.

Cum Sisbertus Archiepiscopus Tole-
tanus inita cum quibusdam aliis societa-

c. 6.

c. 9.

te

(*) Ex hoc Canone iterum contra Prote-
stantes probatur, Eucharistiam fuisse asservatam.
At in quem finem? plane nullum alium, quam
ut etiam extra Sacrificium sumi posset.

Hist. Eccles. Tom. IX.

M m

Sæculum VII te conjurasset, Regem Egicam Regno &
A. C. 694.

c. 12. vita privaturus, depositus, omnibus Bonis spoliatus, & potestati Regis traditus est, qui eum ad perpetuum carcerem damnavit. Illud quoque additum, condemnatum non ante articulum mortis ad Communionem esse recipiendum, nil Rex gratiam faceret. Sisberto deposito Patres Felicem Hispalensem in Episcopum Toletanum ordinarunt. Tumque ad Sedem Hispalensem Faustinus Bracarenis translatus, & ad Braccarensem Felix Portucalensis subrogatus est, qui omnes, cum Concilio subscriberent, novos Cathedrarum suarum titulos assumpserunt.

c. 8. Itaque in Hispania Episcopi ab una Sede ad aliam amoto omni scrupulo transferebantur. Conjicere est, dictam coniunctionem causam fuisse, quod Patres veteres Canones confirmaverint, quibus proli Regiae defunctis Regibus præsidium & Tutela promittitur, poenæ in rebelles statuuntur. Præterea etiam Anathematismos in quarto Concilio Toletano pronunciatos repetunt. In hoc Concilio item præcipitur, ut in omnibus Ecclesiis Cathedralibus, & Parochiis ruralibus, singulis diebus, præterquam in Parasceve, pro Rege & liberis ejus Missa celebretur.

**Sup. Lib.
XXXVII.**

§. 49.

bretur. Item præcipitur, ut quoties a Sæculum VII
liquod Concilium fuerit celebratum, qui-
libet Episcopus illud intra semestre in
Synodo sua, ad quam Abbates, Presbyte-
ri & omnes Clerici cum populo Ci-
vitatis Episcopalis convocentur, pro-
mulget.

Cum Episcopi Provinciæ Narbonen-
sis, peste in illa Regione grassante ad Con-
cilium venire non potuissent, præcepit
Rex, ut Narbonæ congregarentur, & ibi
Concilii hujus Decretis subscriberent.

§. LVII.

Concilium Toletanum ultimum.

A nno sequente, Egicæ Regis septimo, *to. 6. Conc.*

Æra 732. id est, anno 694. nono No- *p. 1361.*

vembbris, Concilium Toletanum deci-
mum septimum in Ecclesia S. Leocadiæ
celebratum. In eo octo Canones con-
diti. Primo præcipitur, ut in initio cu-
juslibet Concilii Patres triduo jejunent,
quo temporis spatio de Fide, de corre-
ctione Episcoporum, & aliis rebus spiri-
tualibus, nemine sæcularium hominum
præsente, agant. Ab initio Quadragesi-
mæ usque ad Cœnam Domini ostia Ba-
ptisterii claudantur, Episcopi annulo si-
gnentur, & sine maxima necessitate non
referentur. Dicitur, quod in Cœna Do-

M m 2 mini

A.C. 694

c. 8.

c. 13.

c. I.

c. 2.